



Նոր Կտակարանը լի է ցուցումներով այն մասին, թե ինչպես վարվել մարդկանց հետ: Դրանց թվում են մի շարք խոսքեր փոխհարաբերությունների վերաբերյալ, որոնք կոչվում են խոսքեր «իրար մասին»: Թեև այդ խոսքերը գեղեցիկ են հնչում, դրանք միշտ չէ, որ հեշտ է կատարել: Ահա որոշ գաղափարներ այն մասին, թե ինչպես ձեր խմբակի անդամները կարող են ապրել համաձայն «իրար մասին» խոսքերի:

His House Ministries ©



Խմբակները մեր եկեղեցում թույլ են տալիս մեզ ապրել հավատքի կյանքով մեկս մյուսի հետ և այս աշխարհում. Այս ճշմարտապես աստվածաշնչյան ընկերակցությունն օգնում է մեզ ավելի նմանվել Հիսուս Քրիստոսին.

Բարեբախտաբար, Աստծո Խոսքը շատ օրինակներ է բերում այն մասին, թե ինչպիսին պետք է լինի նման կյանք վերափոխող ընկերակցությունը: Խմբակը պատկերում է Աստծո եկեղեցին՝ Քրիստոսի ճշմարիտ մարմինը: Աղոթքով կարդացեք այս խոսքերն ,իրար մասին և ինքներդ ձեզ համար, և այս շաբաթվա տնային խմբակում: Իսկ հետո պատրաստվեք, որպեսզի պատմեք, թե ինչպես է կարելի գործնականորեն կատարել այս խոսքերը մեր եկեղեցում (և թե ինչպես է կարելի գործնականորեն կատարել այս խոսքերը խմբակների միջոցով): Վերջապես, միասին աղոթեք, որ Աստված զորացնի մեզ Իր Հոգով, որպեսզի ապրենք այս սկզբունքներով.

HIS HOUSE MINISTRIES
T: (916) 717-8886
E: info@Hishouseofworship.org
W: HisHouseofworship.org



714 SMALL GROUP

hishouseofworship.org



Տնկեք
Նպատակով

Ջրեք
Աղոթքով

Աճը

Խոստացված է

13 ՄԻՋՈՑ «ԻՐԱՐ ՄԱՍԻՆ» ԽՈՍՔԵՐՈՎ ԱՊՐԵԼՈՒ ԶԱՄԱՐ

Սիրեք, Ներեք, Ընդունեք, Նվիրվեք, Պատվեք, Բարի եղեք, Գթասիրտ եղեք, Լաց եղեք, Մխիթարեք, Ներդաշնակություն բերեք, Ողջունեք, Համաձայնվեք, Հնազանդվեք, Հյուրասիրություն առաջարկեք, Հաճեցրեք և Խաղաղություն ունեցեք մեկը մյուսի հետ, ամեն խոնարհությամբ և Հեզությամբ, Համբերությամբ՝ ցուցաբերելով Ներողամտություն մեկը մյուսի հանդեպ Սիրով.



1. Տրտունջն անթույլատրելի է

«Իրար հետ խաղաղություն արեք» (Մարկոս 9.49):

«Մի հառաչեք իրար դեմ, եղբայրներ, որ չդատվեք» (Հակոբոս 5.9):

«Հյուրասեր եղեք իրար հետ՝ առանց տրտնջանքի» (Ա Պետրոս 4.9)

2. Թույլ մի տվեք, որ կոնֆլիկտները բարդանան

«Իրար համբերելով և իրար ներելով» (Կողոսացիների 3.13):

«Եվ վերջապես ամենդ համամիտ, կարեկից, եղբայրասեր, բարեսիրտ, քաղցրաբարո եղեք» (Ա Պետրոս 3.8):

3. Ձգտեք ծառայել մեկդ մյուսին

«Դուք էլ պետք է իրար ոտքերը լվանաք» (Հովհաննես 13.14):

«Իրար հնազանդ եղեք» (Եփեսացիների 5.21):

4. Անպայմանական սեր ցուցաբերեք

«Իրար սիրեք, ինչպես ես ձեզ սիրեցի, որ դուք էլ իրար սիրեք» (Հովհաննես 13.34):

«Սրանով կգիտենան ամենքը, թե իմ աշակերտներն եք, եթե իրար վրա սեր ունենաք» (Հովհաննես 13.35):

«Մա է իմ պատվիրանը, որ իրար սիրեք, ինչպես որ ես ձեզ սիրեցի» (Հովհաննես 15.12):

«Իրար սիրեք» (Հովհաննես 15.17):

«Որովհետև դուք ինքներդ Աստծուց սովորած եք իրար սիրելու» (Ա Թեսաղոնիկեցիների 4.9):

«Մաքուր սրտով իրար սերտ սիրեք» (Ա Պետրոս 1.22):

5. Բարություն ցուցաբերեք

«Եղբայրասիրությունում իրար վրա գթած եղեք. պատիվ տալու մեջ իրար առաջ անցեք» (Հռոմեացիների 12.10):

6. Տվեք՝ առանց մարդկանց պարտավորեցնելու

«Ոչ ոքի ոչինչ պարտական չմնաք՝ բացի իրար սիրելուց» (Հռոմեացիների 13.8):

7. Հյուրընկալ եղեք այցելուների հանդեպ

«Ուրեմն, իրար ընդունեք, ինչպես Քրիստոսն էլ մեզ ընդունեց» (Հռոմեացիների 15.7):

8. Հյուրընկալ եղեք մնացած բոլորի հանդեպ

«Բարև տվեք իրար սուրբ համբույրով» (Հռոմեացիների 16.16):

9. Հոգ տարեք ընկճվածների համար

«Որ մարմնի մեջ տարածայնություն չլինի, այլ որ անդամներն իրար համար նույն հոգան ունենան» (Ա Կոր. 12.25):

«Սիրով ծառայեք իրար» (Գաղ. 5.13):

«Մնապարծ չլինեք՝ իրար գրգռելով և իրար վրա նախանձելով» (Գաղ. 5.26):

«Իրար բեռը վեր առեք» (Գաղ. 6.2):

«Ուրեմն իրար մխիթարեք այս խոսքերով» (Ա Թեսաղոնիկեցիների 4.17):

10. Պատվեք Աստծուն ձեր խոսքով

«Նրա համար, դեն գցելով ստույգությունը, խոսեք հշմարտությունն ամեն մարդ իր

ընկերի հետ, քանի որ իրար անդամ ենք» (Եփեսացիների 4.25):

«Եվ իրար հետ քաղցր եղեք, գթած՝ իրար ներելով, ինչպես Աստված էլ Քրիստոսով ներեց ձեզ» (Եփեսացիների 4.32):

«Խոսելով ձեր մեջ սաղմոսներով և օրհնություններով և հոգևոր երգերով» (Եփեսացիների 5.19):

«Սուտ մի խոսեք իրար հետ» (Կողոսացիների 3.9):

«Որ կարող եք իրար խրատել» (Հռոմեացիների 15.14):

11. Շփվեք իրար հետ հավաքույթների միջև

«Սրա համար իրար մխիթարեք և իրար շինություն տվեք» (Ա Թեսաղոնիկեցիների 5.11):

«Իրար հորդորեք (կամ խրախուսեք) ամեն մեկ օր» (Եբրայեցիների 3.13):

«Այսինքն, որ ձեզ հետ մխիթարվեմ մեր փոխադարձ իմ և ձեր հավատքի միջոցով» (Հռոմեացիների 1.12):

12. Պատրաստ եղեք օգնել իրար

«Եվ չթողնեք մեր իրար հետ ժողովվելը, ինչպես ոմանց սովորությունն է, բայց իրար հորդորենք» (Եբրայեցիների 10.25):

13. Աղոթեք իրար համար

«Իրար խոստովանեք ձեր հանցանքները և իրար վրա աղոթք արեք, որ բժշկվեք» (Հակոբոս 5.16):